

四庫全書

集部

欽定四庫全書

集部

粵西詩載卷十七

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官庶吉士臣吳裕德

謄錄監生臣何茹連

欽定四庫全書

粵西詩載卷十七

桂林府通判汪森編

七言律

湘山寺

王臣

一幅畫圖天放出百年風月我來登  
影堂香火存唐偈  
賜額州人說宋僧  
過雨遊波晴蕩漾  
邊崖怪石碧稜層  
世情不似雲山好  
他日還須借瘦藤

柳州懷古感時

謾熱龍涎繞座熏細論今古幾斜曛高才反累河東柳  
遠謫堪憐諫議墳古廟千年栖夜月山城一帶鎖寒雲  
明良自古稱難遇忠蓋能忘荅聖君

慶遠南山

將軍載酒去駝峰共看南山紫翠重石壁猶含殘雨潤  
洞門長倩白雲封谷中人去空堂應林下僧歸獨鶴從  
滿地夕陽催上馬入城聞打暮天鐘

九日遊桂山

陳崇德

上盡層坡山上山興來氣力健無慳衣冠艷拂黃花畔  
僕御聲傳碧嶂間不學孟嘉當日醉却懷陶令此身閒  
何時辦了公家事隨處青山策杖攀

湘南別意送詹廷信入賀

花滿江亭酒滿觴十分春色送行裝看山馬首吟行壯  
別路天涯客思長萬國衣冠同際會三湘文物仰輝光  
祝呼聖壽瑤觴後更取邊情入奏章

寓陽朔

四野山多少有墟山形露骨洞崑虛眼前瘡疾誰能療  
紙上文移我厭書功利乘時奚可久治安長策竟何如  
列城願得朝歌長盤錯何愁不盡除

寓灌陽

六年踪跡未曾停冒走風塵每見星按節敢辭灘路惡  
看山直入灌陽青竹籬茅舍千門月石徑溪橋幾處亭  
但得客身長是健瘴鄉雖久不妨經

夏日登賓州南樓

烟樹蒼茫眼界賒樓頭踏徧日西斜雲開遠景看林木  
風帶微香度野花山不斷青連碧漢水微拖綠護田家  
近來喜得邊塵淨仰仗兵威鎮泰華

始至太平

田惟祐

佐職叨承寵命嘉疎才自合處荒遐郡中編戶惟三里  
城內居民止一家十九縣州環粵徼萬千山水極天涯  
宦遊到此饒閒暇不負年來兩鬢華

題伏波馬將軍廟

嘗于青史見勲名遺廟江邊古木橫烈士平生窮益壯  
大才自昔晚方成巍巍銅柱功難朽寂寂雲臺論不平  
千載烏蠻灘下水猶懷憤激顯英聲

橫州舟中寫懷寄鄧太守

孤舟久處即為家宦况荒涼更莫加夢裏青山如故國  
望中紅葉似閒花雲橫嶺樹迷天目日出扶桑見海霞  
回首天南更天北祇應添我鬢邊華



送陸太守遷廣西大參

夏言

此邦小試親民政重鎮還須濟世豪萬里南行應自壯  
九重西顧可無勞旌旗曉拂蠻烟重驛路秋看嶺月高  
絕喜殊方富形勝離山桂水護官曹

宿山棗遣懷和嚴介谿韻

汪必東

山棗烟村來薄暮嶺梧雲榻起崇朝夢回冀北鷺啼遠  
人度衡南雁字寥客悶只須排酩酊宦遊誰復許逍遙  
西郵更報邊烽急何日王師一雨銷

戊子粵右秋試畢贈部使祁惟允林汝南二主考

還朝

初筵歌罷鹿鳴章又發驪歌送別觴  
粵海星槎迴上使  
漢廷風采動仙郎  
干旄曉拂三湘樹  
藥籠秋分八桂香  
最是薦書文制雅  
解携多士應君王

過蒼梧酬黃筠溪遠餞

黃子別來真鄙我  
蒼梧行轉忽逢君  
秋襟自浣千陂水  
春服誰裁一片雲  
文字酒盃浮菊艷  
笑談詩句吐蘭芬

明朝鷁楫三江道回首龍門幾夕曛

送王都閫之廣西

李濂

帝簡郎襄節制雄嶺南專閫氣如虹  
琬弓玉斧皆廷賜燕頷虬髯有父風  
桂水瘴消飛檄外梧山氛淨凱歌中  
麇麇峻閣雲霄待早樹平蠻第一功

送童太守入桂林

緋袍金綬紫薇臣郡國如何借寇頻  
停鷁北堂還綵服畫熊南國又朱輪  
晴逾梧嶺隨征雁秋渡瀟湘憶故人

自愧素餐淹歲月羨君隨處布陽春

別張南溪謫廣西

崔桐

漠漠風烟萬里分燕山杯酒竚殘曛乾坤道在應無愧  
兄弟心傳本不羣槎泛迥隨鯨海月劍雄還倚鯉溪雲  
清時宣室思賢俊會見瑤環早賜君

風洞

楊茂元

登登石磴不辭勞為愛雲林隔市囂上下洞連風貫穿  
高低山擁水週遭青天放眼樓臺迥斗酒開懷主客豪

細雨催歸情未厚臨分猶共說離騷

遊西峰崑

戴 欽

老君崑畔秀西峰雲洞丹梯歷萬重幻化山河開佛狀  
莊嚴鸞鶴象仙蹤瑤壇翠柱虬龍見花閣蓮臺烟霧濃  
更欲崆峒問天老長歌山月下雲松

謁柳子厚祠

窈窕山門入柳堂陰陰松檜洒秋香多才憐汝終疎放  
往迹令人倍感傷荒塚草寒惟夜月斷碑蕪沒自斜陽

遙將萬古英雄淚洒向江流孰短長

遊老君洞二首

入山頓覺俗緣消况復捫星上紫霄石乳滴雲開萬洞  
山龍盤水下三橋天仙鶴舉留丹竈玉女鸞迴響碧簫  
回首浮生無處著欲將身世混漁樵

名山江上徧登遊石室仙壇此絕幽金鼎丹光蟠白鶴  
洞天霞氣半青牛玄宮彷彿來三島烟水分明像十洲  
醉撥五雲山下路剛風披拂鳳毛裘

登老子嵩高閣

山門宛轉盤雲磴  
仙閣高寒出洞天  
霞氣成龍隨竹杖  
花香依鶴下芝田  
迴峯並度南來雁  
短棹齊飛江上船  
北望長安何處是  
日華遙散五雲邊

登立魚峯

小龍潭上立魚山  
絕壁懸蘿豈易攀  
金磴斜分天路轉  
翠霞高抱玉峯閒  
洞中白日憑吞吐  
江上漁舟自往還  
清嘯隨風落牛斗  
置身遙在五雲端

題伏波祠

錢溥

將軍遺像瞰江臯  
江水江花映戰袍  
銅柱自標千古蹟  
雲臺不數一時豪  
槎牙石逼灘流轉  
潑墨嵐屯樹影高  
願播英威如在日  
平蠻有計賊難逃

張華同知全州

張璧

參戎常羨曳新裾  
分刺今看擁貳車  
此日使華將雨露  
當年文彩動璫璣  
風清湘水無犀照  
近地衡陽有雁書  
撫字催科孰輕重  
知君原自解乘除



劉奇逢補任上石州

早從闕下再彈冠萬里休嗟道路難今去宦遊仍郡刺

向來聲價起刑官

湖廣初任汝寧推官有聲應召

且持南粵新符竹莫

戀東湖舊釣竿銅柱尚餘標漢紀嘉名還擬並高寒

送張太史子陽封靖江王得省

張治

江湖玉節明秋水星漢仙槎下紫薇弔古不妨平子賦  
還家應羨老萊衣蒼梧雲淨青山出綠浦天寒白雁稀  
百粵更須勞問俗田陽猶未解重圍

送蕭尚點之忠州因寄雲東

忠州百粵文身地歲晏天涯獨去難  
抱璞自憐三獻後  
卑栖聊借一枝安  
山連八桂蠻烟暝江入蒼梧毒雨寒  
若過湘春逢舊侶為言相憶路漫漫

送黃憲副之任廣右

謝士元

冰檠聲名簡帝心觀風雋擢渙綸音  
一朝持節辭楓陛  
千里驅車赴桂林  
雨過荔源青似染雲開堯嶺碧如簪  
懸知按部春風裏無限江山伴醉吟

送蘓雪江任桂林

張元秩

湘灘流合始安州落日千家烟火浮  
天遠星辰聯貫索山空雷雨動窮陬  
異魚水漲湖塘月金粟花明楚越秋  
簡訟只今懷舊俗韓公閉閣合深憂

送廣西僉憲龔疊齋

曾梧

桂海星分執法尊手持繡斧下天閭  
眼醒偉觀看難卜意到超然忘我言  
士挽須龍歸別洞人酣艮柳臥前村  
朔南萬里圖王會談笑誰能壯北門

風洞

劉節

絕壁盤雲開古洞，重樓疊綵倚蕪城。  
旌旄日午花薰氣，林樹風過鳥出聲。  
天畔草亭千里目，沙旁烟艇十年情。  
粵南消息皇華杳，憔悴揚雄戀玉京。

柳山

步入迴峯坐小堂，柳侯祠下草初荒。  
烟浮萬井涵秋迥，水合三江入楚長。  
曲徑短亭人寂寂，古泉幽澗樹蒼蒼。  
匡山雲谷空回首，歸路蕭疎漫夕陽。

富川鐘山

張祐

村墟牢落負良宵  
寒月遙看上泐寥  
火樹星橋行處少  
瘴烟蠻霧坐中饒  
芻寇獨愧匡時策  
虎旅人驚拔俗標  
得了公家今日事  
便應雲水老漁樵

桂林元夕

黃佐

何處笙歌入座聞  
即看陸海在人羣  
星橋暗度重輪月  
火樹晴開五色雲  
湘水未逢天北使  
灘江猶駐粵南軍  
江湖心事年年在  
徙倚東風酒易醺

送李稚大廣右視學

吹劒當年歌昔遊十年塵夢對三洲  
湘山似戟馬前出  
楚水如絲天際流  
監祿豈知終化俗  
伏波何用更封侯  
離絃莫奏清商曲  
梧葉蕭蕭已報秋

橫州伏波廟

高灘危石鎖崔嵬  
長夏風烟午未開  
南海樓船從此去  
中原冠冕至今來  
武陵一曲風塵靜  
銅柱孤標日月迴  
千載伏波祠宇在  
漢朝何處有雲臺

過邕紀行

姚 鏌

頻年行部過邕州眼底天光次第收  
林邑峯高雲半濕崑崙道險樹偏稠  
三春野外鳴耕犢十里江干繫客舟  
況是聖明文化濶絃歌幾處月當樓

題伏波祠

男兒本是世間奇馬革尋常願裹尸  
木斬層崖通漢道柱標萬里奠坤維  
元功不鑄黃金像謗口翻成貝錦疑  
古廟灘頭詩半壁絕勝當代史臣辭

桂林行臺四山皆几席間清竒峭拔名重天下誠  
不誣也民事多艱不遂登眺瓜期得代對景悵

然

林廷選

桂山竒峭世間無日日當窗見畫圖排去離愁忘歲月  
助來吟興徧江湖空崑花木青黃間疊石莓苔紫翠腴  
也被山靈嘲我俗寧拚半晝狎樵夫

平樂行臺籌用兵給餉有懷和前人壁間韻

蕩蕩堯天化日長願垂部屋照逃亡朝鉦暮鼓時多難



青草黃茅地半荒湖海有心馳北闕經綸無術起南陽  
晚山環翠清人骨載詠皇華第幾章

阻水昭平同僉憲陳文用賦

昭州南下接梧潯民苦羣夸歲屢侵令肅柳營旗旆偃  
詩成蓮幕酒盃斟雨深湍惡遲行色花落鳩啼碎客心  
我愛干城人赳赳未聞置兔在中林

陞右都御史奉勅總督兩廣軍務兼理巡撫愧懼

有作

江湖廊廟竟何為，新捧綸音下玉墀。  
半載三遷驚數異，兩藩重到訝時移。  
草萊枯槁須膏澤，今古勲名在鼎彝。  
報國寸心猶未老，粵山灘水也先知。

登馬退山望邕州

張岳

筍興穿嶺又高峰，極望關山興不窮。  
元氣遠浮瀛海外，人家多在翠微中。  
軟莎黃犢迷烟雨，極浦歸帆逗晚風。  
兵祲沈銷春晝永，兩江林樹鬱青蔥。

入邕州

邕州城北兩江來五管金湯亦壯哉海賈盡通身毒布  
瑱亭遥擬白龍堆臥關虎豹春靈霧入匣雌雄夜吼雷  
御遠古來資上畧天南壁馬已枚枚

發邕州往鎮南關

隔年梅雨記重遊風雨依稀獠瘴收老去筋骸慚樞馬  
誰將華髮博蝸牛弧光冉冉瀧頭月雙櫓迢迢天際舟  
夜數星辰翻百念非關鄉國起離憂

太平東岸尖峰似故山作

何處飛來玉笋峰似曾排闥為吾容  
隔江翠色迎孤棹故國白雲知幾重  
樹老時鳴楓葉兩山空遠遶夕陽鐘  
十年回首凋玄鬢欲躡征鴻恨莫從

和可齋泊舟左江有懷韻

雉堞峇峇俯碧潯天涯此路接雞林  
地非中土衣冠並氣壓南荒歲月深  
尊俎空憐麾羽扇溪山何處聽樵音  
倘諧插翮飛蓬島願學燒丹變紫金

和可齋泊况村雨霽二首

扁舟夜雨瘴溪中  
曉起看山翠色重  
萬感忽來惟宴坐  
遠書欲寄漫題封  
似聞瀚海秋飛箭  
稍喜炎天近息烽  
却怪南華忘物者  
等閒空谷喜聞跽

雨歇郊墟斜日昏  
居人猶自散雞豚  
槎當岨缺深留纜  
燕逐花飛故遠村  
水土周防翻樂筴  
江湖劇念傍征軒  
擬為暫駐成淹久  
倦聽風波款曲言

夜飲董參戎巖岡寓舍  
讀壁間過伏波祠詩有感  
孤戍玄雲想壯圖  
酒酣日落歌嗚嗚  
大材敢道馬新息

短劍還聞陸大夫，奎壁淋漓看獨夜。  
江天冥漠失雙鳬，幾回欲酌溪頭月。  
又恐前身是腐儒。

經宿受降城

老夫越吏姓名通，銜壁牽羊事不同。  
聖代神靈跨往昔，南天萬水盡朝東。  
荒山故壘籠寒月，征馬孤嘶自晚風。  
讀罷穹碑一悵望，螭頭飛動欲騰空。

沉沉高閣午陰清，況有巖岼蒼翠迎。  
金鼓往年分閫地，關山千古受降城。  
龍蛇蟄伏天機靜，烟雨冥濛春草生。

倦倚烏皮成獨寐不堪幽夢緬縱橫

遊白石洞

夢裏似曾踏翠寒萬山洞壑石林攢寧知夏冷冬溫地  
祇在藤梢棘刺間陰火瓊膏烹日月長空簫管待虬鸞  
道人不是避秦客慢憶桃花回首看

諸天洞府日華傾此洞陰風地底鳴泉落鮫珠含內景  
石飛仙珮散玄精暫游不覺心源靜欲去那禁毛骨清  
勝會山靈應記取後期未許結三生

東崖長溪次江赴憑祥途中遇雨賦贈

行時霽柳拂前驅別後雷殷水滿湖  
俄頃陰晴迎伏暑  
凌兢車馬戒泥塗  
岼沙帶浪東西落  
田鵲逢人向背呼  
愁絕同袍關塞客  
南山欲與剪扶須

五月陰晴長綠蒲  
冥風怪雨亦相須  
農人私記豐年兆  
僕馭偏憂九折途  
遠勢驚翻銀漢水  
怒濤疑拔老龍鬚  
嚴程傍險兼奇觀  
霑濕何妨赤杖扶

登鎮南關昭德臺二首



炎荒突兀見春臺  
皇德昭回氣象開  
五色光華瞻北斗  
一天雷雨動南垓  
乘槎擬借搏風力  
破浪還看曝日顛  
安得坡仙扛鼎筆  
表忠高挾靜氛埃

振衣千仞瞰飛鳶  
望極江山思渺然  
百粵風烟畫一幅  
清時日月鏡雙懸  
天開正朔尊王會  
地接金鰲立極年  
橫海昔賢堪勒柱  
高臺我輩亦樓船

送人之梧州

汪文盛

封域舊傳蠻幕府  
才名新得漢參軍  
藤江水下天無際

桂嶺山連霧不分南極衣冠開瘴甸北來旌旆動星文  
病軀願寄枕榔杖他日投予湘水濱

贈別龔疊齋少參北還

李默

按節同為五嶺遊東風何處問行舟楚天雲盡家千里  
桂海人歸月滿樓直道于今欺白髮素心元自照清秋  
且揮玉笋留君醉無奈鶯啼亂客愁

贈別洪西淙方伯赴廣西

麟閣知君早致身炎荒今已遍朱輪三湘雪後烟波濶

五嶺雲開驛樹新春雨故園肥紫蕨客衣芳草變緇塵  
相逢為報清羸久慚愧河汾俗化醇

蒼梧閒眺

許天錫

雲暗蒼梧曉正開獨舒懷抱向高臺千年劍在神光現  
三足麋鳴使節來越雋西連山似戟桂江東注水如苔  
登臨不盡雄豪興欲倒鯨川入酒杯

晚至平南憶別馬參戎澄

寒江落日背孤城海月沙頭又欲明千里家鄉殘夢斷

一川烟水暮愁生不辭椰子盃中醉生怕梅花笛裏聲  
陡覺別來消瘦甚馬卿多病更多情

過鬼門關

隔林啼鳥亂鳴春纔到山顛又水濱老樹蒼藤含霧雨  
層巒疊嶂蔽星辰穿崑越壑驅車險伐木刊崖取道新  
生過鬼門關下路客懷爭得不傷神

登南寧鎮江門

武號山前瘴雨收鎮江門外水長流一冬天氣長如夏

連日風號只自秋遠思直窮千里目吟懷聊寄五花洲  
天荒落日堪惆悵莫上籌邊百尺樓

烏蠻灘即事

林大輅

烏蠻灘上日風波歸興其如五老何古廟神香留彩鷁  
夕陽官鼓出青蘿參差石戟江流迅錯落龍秋野渡多  
千古伏波寄英爽竹枝淒楚榜人歌

桴槎館與師汝和言別

出郭偶同遷客興飄蓬翻愧野人羣尋花逕小娟娟日

移酒春深淡淡雲五嶺風光憐共得兩江消息喜初聞  
無端更問秦川路醉裏新詩欲贈君

登繫龍洲東梧郡陳司馬蘭砌 徐 棻

六鰲江上駕青山長控蒼梧虎豹關檻外人家蔥翠裏  
城頭烟樹有無間江濤乍歛琉璃淨苔蘚常封玳瑁斑  
下榻久傳陳仲舉一尊能否共躋攀

游勾漏洞

折簡相招弄綵霞芙蓉千丈振朝華金銀宮闕窺三島

雲樹江城隱萬家，高倚斗杓浮綠蟻。  
竒探巖壑拾丹砂，低回欲訪神仙令。  
望斷松門白鹿車。

蒼梧懷古

王孫芳草自天涯，把酒憑高眺落霞。  
雲冷玉環妃子宅，春殘金谷美人家。  
丹砂寂寞迷瑤島，斑竹扶疎渺翠華。  
惟有蒼梧城上月，年年清影照栖鴉。

遊羅秀山

朱紹昌

芙蓉秀疊半龕懸，靈迹猶傳葛稚川。  
偶見鹿眠疑藥圃。

因聞龍化探瑤泉碑橫宿莽凝烟碧徑積新楓帶露鮮  
卜築欲尋山下宅鼎邊妄意夙生緣

仙子何年跨彩鸞千春想像萬峰盤粉墨香散瓊臺杳  
丹竈烟銷玉瀝寒信步樵柯忘日晚放懷尊酒餞秋殘  
風塵是處如蠻觸自倚紅霞一笑看

海棠祠

黃辰

江邊不見海棠花兩岼垂楊集暮鴉路上客尋秦氏邸  
橋邊誰是祝生家雨聲怕向愁邊聽風景還堪醉裏誇



駟馬尚期他日過題詩聊且記年華

鬱林即事

孫迪

百年誰向北乘驄路遶天隅北斗東  
行役敢辭炎瘴毒  
羈儲時憫室家空  
轟雷忽送隨車雨  
嘉穀隨成滿地風  
回首洞天渾咫尺  
欲尋仙迹問山公

西望橋邊偶駐驄  
大容流影落溪東  
仙歸勾漏丹應熟  
鬼泣天關骨已空  
靈望石牛祈暑雨  
威瞻銅鼓振秋風  
不知景陸堂前月  
還照人心一片公

靈巖

馬襄

雙旌曉拂隴頭雲，遠入幽崑訪老君。  
燃燭引光探洞穴，捫蘿尋字認詩文。  
山花開向樵亭落，澗水流因石竇分。  
坐挹天風洒白髮，太虛無處著塵氛。

谷山

林孔嘉

連峰列岫影蒼梧，勢擁屏幃氣鬱紆。  
夏木千章排古戟，晚雲四合繪新圖。  
白泥洞遠樵歸久，黃鑒村深日已晡。  
安得當時謝公屐，閒登高處飲茱萸。

鶴麓有懷

張翊

遼左丁威鶴未旋花飛細細駐流年  
騷人澤畔椒蘭佩  
客子杖頭風月錢獨抱清尊千氣色  
共排蒼壁下雲烟  
吹簫却憶王子晉  
覓得浮丘是宿緣

慶遠北山

陳珪

百丈峯巒面面奇  
羣仙曾此會襟期  
雲封洞口龍歸久  
風動松枝鶴夢遲  
棋局幾看銷歲月  
藥爐那得療瘡痍  
眼前世事愁無限  
羸取秋霜兩鬢垂

慶遠北山

楊信

青峰碧嶂與天齊一徑凌空石鑿梯雲氣奔騰龍去遠  
松花搖落鶴來棲樓臺佛剎依山北城郭人家傍水西  
為作嶺南風土記盡將佳景職方題

屏風山

嚴逾

周遭山色一孤城城枕孤山聳翠屏欲把筠床看白晝  
却疑雲母倚青冥澤葵雨過三春潤斗柄天開五夜明  
萬里孤臣無所事每瞻磐石祝神京

移嶺山

重關深過鬼門西  
瘴霧蠻烟日夕低  
燒絕正愁千尺棧  
請封無計一丸泥  
山椒脫木金盈地  
石磴流霜玉半梯  
我欲乘時高著步  
白雲南望又淒迷

古浪溪

紅爛風前幾樹桃  
綠回山下一溪毛  
晚來急雨驚瓠齋  
日見餘波謝桔槔  
斷岬礧礧難著渡  
小鮮骨鯁不容刀  
侵星勸課烟郊外  
笑指長虹隱碧濤

題白馬崑

何世綸

白馬何時去未還清泉碧草老空山不留竺國三千界  
應在仙家十二欄粉汗滴成鍾乳穴霜蹄跑出水晶潭  
寒雲羈絡難收拾天與高僧設一庵

登松嶺

松嶺嵯峨半倚天每從山足起朝烟花幃隱隱寒光澹  
翠蓋亭亭曙色鮮出海老龍堪彷彿尋巢孤鶴欲回旋  
徂徠合在烟蘿外極目滄浪竟惘然

雨後夕樵

王尚賢

峭壁雲霾石浪頻  
草亭飄泊水之濱  
三江雨過千帆夕  
一樵風清萬竈春  
塔影翻凌波底月  
鐘聲欲醒夢中身  
持籌莫訝書生拙  
聖世從來不患貧

贈別余東臺轉官郡丞暫還柳州 吳鼎

明月湖心憶舊遊  
夕陽江外赴新愁  
十年去住頻傷別  
萬事蹉跎可自由  
風急天高秋澹澹  
蒼梧桂水意悠悠  
未須極目懷鄉國  
更上峰頭望帝州

送羅闇齋赴廣西省幕

徐階

當年才子不如君，歲晚猶隨燕雀羣。  
遠地直知朋舊少，論心難遣世人聞。  
三江處處皆奇語，五嶺朝朝足瘴雲。  
傳道交州仍議戰，祇應投筆建奇勲。

遊柳山

潘恩

暇日遙登郭北臺，層崖疊嶂倚天開。  
琪花歷歷翻雲出，玉髓泫泫抱石迴。  
此地杉松巢鸛鶴，何年碑勒刺莓苔。  
乘風懷古情無限，把劍長歌萬壑哀。



再登湘山寺

鷺宇參差歷翠微  
九天松露濕春衣  
龜書鵠篆雲中見  
貝葉曇花雨後稀  
路入桃源秦甲子  
泉通星渚漢支機  
問津今日重來地  
可有金仙駕鶴歸

七星嵒次韻

靈嵒天矯疑星隕  
溜石陰森作雨飛  
八桂五芝空翳翳  
青泥丹竈故輝輝  
江吞列岫灘聲轉  
境絕真空人影稀  
颯杳天花紛欲下  
臨風容與澹忘歸

桂山亭雙鶴次韻

丹丘石室羽人居，況有仙禽下玉除。  
月迴芝田留鸞鷟，風吹銀漢落蟾蜍。  
霜毛露翮應憐汝，合舞長鳴數向予。  
何日羅浮千仞外，翻飛共爾歷清虛。

靖江王太平宮次韻

砥柱中天亘古今，羣峰圍合迴相欽。  
幽居自足東平樂，麗藻還傳鄴下音。  
鐘乳飛花添積翠，芙蓉倒影漾重陰。  
靈巖不隔三山路，棲息渾忘歲月深。

懋德堂次韻

桂嶺離宮結構新  
堂開懋德護烟雲  
青天宛轉生圖畫  
碧水縈迴起縠紋  
禮樂河間標大雅  
詩書東魯接清芬  
閒來況有陳思賦  
千載流傳著作文

游風洞和夏松泉方伯

石洞干霄畫渺冥  
危崖夾谷勢崢嶸  
菱花荇葉牽明鏡  
舜嶺堯峰拂紫清  
載酒新秋聞木下  
班荆絕頂聽泉鳴  
重華南狩龍遊遠  
淚竹湘流萬古情

逍遙樓

春波漱瀨層城浮春日浩蕩林泉幽風吹山樹石欲立  
水射湘江天倒流岐路殊方楊子淚乾坤萬里仲宣樓  
登高漫有憐芳興黃鳥桃花數散愁

蘭麻道中作

單輿小隊出江城宛轉春風送我行笑客林花然欲語  
避人山鳥解呼名蒼崖夾谷窺明鏡劒石連雲俯太清  
嶺外馳驅悲道路天涯鼓角況分明

繫龍洲

碣石嶙峋控此洲  
蒼梧雲逐水分流  
清天影落金鰲靜  
火額光連玉蝀浮  
舟畔忽傳津吏鼓  
林間時聽越人謳  
却慚縱迹牽纓紱  
未似當年五嶽遊

立春日至潯州見桃花

去春燕地猶冰雪  
今日潯江已見桃  
物候獨嗟中土異  
天涯那惜此身勞  
風披紅雨沾行蓋  
路入芳叢映客袍  
更喜羣生逢道泰  
不妨人事日蕭騷

曉發宜州

層陰雨閣青山外，畫鷁朝飛碧澗湄。  
符節馳驅淹道路，風塵飄泊歎支離。  
江花有約催征棹，岼柳何情繫客思。  
悵望天涯雙白鳥，穿雲歷水故相隨。

送鄧貢士元性還南寧

綠樹陰濃乳燕飛，金陵萬里送君歸。  
隨珠握彩人爭識，匡鼎談經志不違。  
馥郁芹香涵璧水，青葱荷色照儒衣。  
邕江暫戢圖南翼，竚看軒騰向帝畿。

邕州道中

盡日山行耽閨寂竹埤茅屋互蕭森  
桃花獨樹自春色  
荔葉滿林空畫陰戎馬中原遊子恨  
舟車駱越故園心  
山靈何事苦相索  
滌雨飄雲入暮深

題五峯

傅汝舟

平野獵歸風色暮五峰迴處石門高  
穿崑村老多然炬  
供酒狼家盡帶刀雲氣乍飛山下雨  
松聲遙捲峽中濤  
不堪仙竈埋幽草  
極目丹崖思獨勞

同傳山人游獅子嵒

周璞

數載塵埃笑白頭乘風今喜到嵒丘  
勢迴西北瞻宸極形峙東南鎮粵州  
半榻幸同遺世士一官深愧富民侯  
雲蘿石壁平生興即欲投簪向急流

東江即事呈東臺趙少參

陳袞

連攬東江豈偶然拔茅今日賴君賢  
炎威未減猶三伏浪迹相馳又半年  
秋水最憐清畫舫好山終恨雜蠻烟  
封侯萬里何須計且與吾民一解懸



至烏蠻灘謁伏波馬將軍廟

何來岸幘甚安閒回首癡游隴蜀間  
豪氣當年憐馬革神功千載肅烏蠻  
誰分薏苡成車載自合雲臺上將班  
堪嘆後來翻覆幾銅標南紀喜今還

贈平南七十翁張南溪通府

虛從江上往仍還紫氣何知只在關  
暫出南溪為俗吏深居尖嶺是仙寰  
珠崖已破黃梁夢靈寶能留赤子顏  
更識履聲聯北斗尚書家世播人間

題橫州秦少游書院

芳草蕭蕭一迳通  
小橋流水近興龍  
醉鄉還有前賢所  
新法終無後代蹤  
花落海棠春已去  
香餘村釀酒空濃  
不才幾度曾談虎  
須信人間是小封

橫州龍興寺紀遊

龍興槎窟是何年  
野寺猶將此事傳  
芳草滿庭僧不見  
白雲同榻客何遷  
棠橋喜近幽人里  
華嶂疑開隔水蓮  
薄暮馳驅慚碌碌  
擬將清淨問諸天

犀潭

袁 袁

稜稜石竅附嵒隈造化何年巧鑿開一脉靈湫消復長  
半泓神液去還來盈虛氣類旋潮信呼吸聲如動地雷  
坐倚雲根毛骨聳彷彿疑飛步至蓬萊

度崑崙關寄馬侍御君卿

崑崙關外即邕州遷客那堪此地遊九折坂盤疑棧道  
萬重山險抱江流時平不見干戈警身病仍聞瘴癘愁  
五嶺古來無雁到思君何處慰離憂

送康盤峰廣西參議

王慎中

握符制遠分藩重露冕臨人列郡欽節下州官多卉服  
歲中牧貢有蠻金九疑曉望烟如畫八桂冬榮雪滿林  
銅柱標南猶奉朔漢家雨露本來深

送郭世重出守南寧

朗寧荒絕不堪棲遊客懷鄉夢轉迷千嶺驟昏知瘴起  
四時不斷有猿啼居人半是梯嶺峒行路相言避毒溪  
十載播遷仍置遠好憑鬼卜問蠻雞

署中念及部下西征軍士次張總戎韻

鄧炳

火輪烜赫自清朝  
步卒如林不御輶  
瘴癘氣蒸陽月盛  
敵巢西去洞天遙  
荒池無水梅消渴  
烏道兼程草沒腰  
衝冒炎威知最苦  
竹林流汗透輕蕉

登湘山亭子有懷符王二君子

松崑敬所

許應元

天末孤亭獨上時  
情多擬賦四愁詩  
不堪鴻雁稀南服

況是風烟暗北垂海上書來猶避寇林中藥長欲尋師  
從君便向天台去何處崑中可翳芝

白雲崑

程文德

今晨忽憶別家時萬里經年尚未歸鄉國幾人懷令節  
天涯此地共斜暉登高有興來乘月久客無家未授衣  
酒醒露寒人欲別山城燈火望依稀

都嶠山

停橈繡水思尋勝忽見南山似武夸雲際嶙峋開面面

天中紫翠鬱纍纍秋風吹我來都嶠古洞無人只舊碑  
八疊路迷還悵望登臨全盛憶唐時

七山奏凱頌南川陶公

粵國江山震鼓聲樓船十萬渡旌旗虞廷再見三苗格

周室遯班六月師玉葉風清豺虎窟

玉葉  
葉名

蒼梧日麗鳳

凰枝兩山功並燕然碣

前平  
兩山

千古人同襄毅思

故平樂侯遜叟李君隱居信宜甌村茅屋蔬食身

自耕作清風高節今世罕聞茲以郡侯玉溪石

公招至鄉飲城居十日而歸興浩然不可復留  
已公乃邀遷客載酒登桴祖之觀瀾山下白駒  
皎皎金玉遐心把酒臨江慨然咏嘆

甌村何處高人宅茅屋蕭蕭蔽雨風共喜東陵瓜自種  
不妨彭澤酒頻空霧深穩臥山中豹翮健孤騫雲外鴻  
暫下塵寰纔十日一桴歸去渺孤踪

送劉北川之任太平

郭伋

鄉評屬望聞年少海內談詩見爾豪千里未應淹驥足



一官聊復隱蓬蒿  
鳥山碧石牽離緒  
麗水晴空動去舸  
邊徼清時無一事  
郡齋燒燭註離騷

烏蠻灘伏波廟

林恕

烏蠻水廟鎖烟蘿  
畫棟朱闌映碧波  
鹵名垂天地久  
麗牲碑繼歲時多  
江搖樹影牙旂閃  
風送灘聲鐵騎過  
回首雲臺何處所  
乾坤無復漢山河

張三峰都督觴七星嵒

楊本仁

名巖故著嫖姚席  
羈況常投山水緣  
水碧如空秋自咽

山青不動晚生烟一杯擬出人間世萬物渾成洞裏天  
醉倚長松待明月鳳笙吹徹赤霄篇

伏波山晚立

無事日看江上山百年懷抱隘人寰微茫若在水雲外  
蕭散何知吏隱間月出天心鶴共語風生石窟鶩俱閒  
高賢異代誰相問霞影波光鑑此顏

午日同片溪憲使舟遊還珠洞暮抵龍隱嵒

雨後江山如有待相携齊赴水東舟一盃不盡三閭恨

雙劍何妨五日遊亦有神龍曾蠖屈是誰真隱與鷗浮  
月明返棹觸仙氣無數昌陽石上洲

九日梧州澗山方伯觴予拱日亭喜賦

雲斷蒼梧水急流半天風雨靜炎州龍灣虎石三江色  
驄馬薇花九日鷗鄉思動存移菊計更情空抱跼鶯愁  
岸寇故放登臨目共倚危亭萬仞秋

雨宿藤江感懷奉馮僉憲

曹世盛

藤水梧溪嶺外連偏南風氣鬱人邊舟帆寂寞江干雨

鼓角淒涼漏靜天臘夕夢回閩海嶠春宵意動桂林前  
聯航步步追仙侶聊取金尊話百年

送吳素行之廣西

陳昌

廣州南望海冥冥百丈牽江幾日程鯨浪打船風不息  
蜃灰塗屋雨初晴蠻巫祭鬼憑鷄卜島寇編氓事象耕  
從此海隅成樂土尉陀焉敢更言兵

送趙東臺寺正赴廣西少參

蔡汝楠

月卿此去汎湘流棘寺芳名憶舊遊鄉思獨看南嶺近

征途肯厭夜猿秋到時蕃服應分鎮行處營門待展籌  
共道陸生為越使漢文南顧自無憂

送施玉湖赴廣西臺幕

幕職仍為萬里行伊人早歲有詩名霜蹄共惜金臺別  
炎樹遙懸桂嶺情休遣猿猱驚客夢聊看水石伴修程  
青春一上熊飛路應折梅花即寄聲

合江亭贈龍雲東中丞

有序

謝少南

中丞茶陵人以大同之役謫至近卜完山結茲亭瞰

流眇遠殊盡勝概江中新汀予名以白鶴喻公暫止  
之意西對頗類天台雙闕因借名之亦廣雲東戀魏  
闕之忠云爾

高秋來眺合江亭江上新生白鶴汀塞北風烟聊息駕  
湘南丘壑自忘形十年髮為離騷變千里雲從岳麓停  
同是明時投徼客倚看雙闕對秋青

湘源

曾游太液問湘源斑竹蒼梧瘴霧昏一自天涯寄飄落

兩從江介弄潺湲南經桂嶺臨官舍東匯秦淮過里門  
擬放扁舟看夜月洞庭春水正無痕

登桂江觀音閣

閣前山擁翠芙蓉斜日烟光萬重雨後落花愁欲醉  
春來芳草思偏濃驂鸞未擬從前客攜鶴頻看別後容  
兩月寒雲縈緒亂坐憐晴靄對西峰

九日同諸僚虞山讌集

九日黃花未著叢虞山置酒賞心同飄雲影亂灘江水

落木聲號舜帝宮  
秋老那堪聞掛狖  
天遙元不到征鴻  
愁顏易醉西風裏  
番怪茱萸滿樹紅

十二月十又三日梧州朱砥齋少參邀飲嶺表書  
院時有龍門之役即席留贈是月十七日立春  
嶺樹青青冬夕晴  
主人留客月華明  
春先五日回陽律  
地合三江是會城  
洽座蘭尊酬泊旅  
滿階組甲聽調兵  
文謨武畧俱王事  
一笑忘年欲請纓

柳州北郭新作鎮越樓與康磐峰少參覽眺



龍城北郭起層臺上有高樓四望開千嶂雲銷簷外出  
雙江雨過霧中來獨人墟遠連烟火逐客祠深半草萊  
忽漫與君臨此地共憑風檻罷傳盃

柳州謁劉賢良祠

諫議祠堂兩地成湘西柳郡北昌平危言總為當時計  
直道何知後世名隔岼墓林圍茂草繞祠江水泛香蘅  
登科我輩猶顏厚不盡千秋萬古情

謁柳子厚祠

落落疎松隱墓門，羅池祠廟至今存。  
林間聞鴉堪垂淚，嶺外啼猿更斷魂。  
自是遠夸聞聖化，非緣逐客誤朝恩。  
當年舊恨休重省，信有文章百代尊。

秋日柳山游覽

秋高嵐霽淨無埃，翠巘亭臺步步開。  
祠勝尚題前刺史，山川真是小蓬萊。  
長松濤裏憑簷檻，叢桂花間送酒杯。  
信美湘南今浪迹，那堪極北首重回。

藤江漫成

四山殘日半帆風，亂石洄波委折通。  
可訝寒江猶碧草，忽從岐路轉丹楓。  
冬回氛祲銷沉後，北望星辰感慨中。  
勾漏西來知不遠，將因煉鼎問仙翁。

烏蠻灘謁馬伏波祠

老將南征自許身，曾驅萬旅此江濱。  
鐵衣試馬酬炎帝，銅柱分疆戢遠人。  
死後何須明薏苡，生前早見畫麒麟。  
蕭條異代風雲變，猶有灘聲動鬼神。

南寧道中

華髮須從鏡裏窺，青溪偏入櫂中思。  
邕州紫燕秋無社，蠻驛穠花冬有時。  
異域冠裳仍俗好，中原禮樂忝吾師。  
林間孔雀翩翩下來就，江濱照羽儀。

左江道中

遠水涵天漾色同，草堤沙磧並連空。  
行人獨往迎斜日，歸鳥雙飛趁晚風。  
海近潮痕常帶綠，歲窮山果不凋紅。  
裁書欲寄湘南鯉，矯首徒招塞北鴻。

魏此齋大參招遊玄風圃

豪士知予物外情  
炎天招引碧山行  
亭心風裊青蘿遠  
水面雲飄白苧輕  
古洞恍如曾寓舍  
靈仙前訂隔生盟  
懸崖漫掃題名石  
芝草琅玕好自生

至日同楊右使浮舟湘山渡看梅

至日浮舟已自奇  
尊前况復對南枝  
瑤華新向陽崖折  
玉樹真從水殿移  
驛使殊方傳遠訊  
故人遥夜屬相思  
絕憐歲晚冰霜意  
漂泊萍踪尚有期

送沈參軍出守潯州

徐學謨

長從幕府接華鑣，部領仍煩聽夜刁。  
秋入貴橫炎雨歇，江清黔鬱瘴烟消。  
丹砂欲覓三山近，紫綬寧辭萬里遥。  
更愛使君能遠俗，坐令椎髻遍風謠。

送友人之宣化主簿

廖希顏

日南銅柱扶桑近，仙掌雲霞曙色分。  
隔歲春風頻送客，異鄉何地更逢君。  
堂開射鴨容猿嘯，天入回龍信鳥羣。  
佐理無勞憚方服，銅環椎髻解論文。

靖江府獨秀峰下有洞深可十丈，刻今字韻詩已

百餘首王索予和之

錢薇

桂郡名峰冠古今  
谿研百尺洞天深  
攀蘿雲裏斜陽色  
穿磴泉飛空谷陰  
兔苑賡題饒傑作  
醴筵嘉意屬微吟  
追陪此日承歡遇  
媿乏雄篇思不禁

崇本書院新成別殿應教

帝子曾將華館開  
更成別殿擬蓬萊  
牕銜曉日千山出  
簾捲春風萬里迴  
睿藻迴踰滕閣制  
霸光不數魯宮材  
祇看江漢同文日  
深愧曾非授簡才

和靖江府懋德堂韻

十二疏闌高入雲  
天開淑景氣氤氲  
獨藏金鑑傳心典  
上溯湯盤仰昔芬  
月映明河文動色  
春吹柳陌思如雲  
撫時握管傳風雅  
總屬虬龍洒浙勤

書蒼梧公署

避荒總入帝輿圖  
南顧勞勞化未敷  
我捧絲綸承黼辰  
孰令山水染迷途  
貔貅尚阻消戈甲  
禮樂誰能變遠區  
為語握符勤撫字  
明時何以靖邊隅



潯州書事

斷藤峽下大江流，仗劍乘春萬里游。  
百粵伏波標柱壯，兩階虞日舞干優。  
東津對月心同照，南徼觀風病未瘳。  
願得交人歸職貢，永紓南顧聖人憂。

過牛擺堡水急難進

驟雨衝途逆上灘，濤迴磯伏浸無端。  
魚龍作勢頃時變，耶許乘風竟日譁。  
慢說巴丘憑峽險，曾聞雷斧劈江磐。  
簡書夙夜寧容緩，敢謂王尊叱馭難。

自秦人洞過牛關望銅柱

策騎邊關窈窕行  
攀蘿一徑萬山橫  
乾坤勝概王猷遠  
湖海間關使事忼  
攬轡未能消卉服  
偃戈還喜靜蠻獍  
遙瞻銅柱開千古  
新息奇功更可旌

鵝村泊舟

江上春潮正渺茫  
幽懷無語對林篁  
高枝鶯囀風初度  
野徑花開日欲長  
萬里披雲期問俗  
幾回攬轡歎流亡  
間來偶會虛舟理  
何似歸耕東海傍

銅鼓灘

路出清潯銅鼓灘  
天風吹棹度汪瀾  
高江神禹應難鑿  
古郡秦皇未許官  
椎髻語言殊不白  
花枝濃淡自含丹  
欲知同軌稱王會  
隨處夸歌漢網寬

謝蔡中丞閱武堂宴別二首

暖日春歸輦鼓城  
元戎敞宴肅郊行  
且將武備開文會  
欲擬王風杜外萌  
五嶺革心消瘴癘  
九重屬目奏昇平  
早承鑑識欽山斗  
此日重來意倍傾

羽林俠氣凌霄漢走馬穿雲勢欲飛豈是貌貅能騁捷  
總因幃幄有神機從容樽俎方隅淨指顧風雷訓練微  
盡日承歡欣勝會管絃孰謂匪伸威

送王給舍使湖廣廣西二省

趙貞吉

禁書新下鳳凰樓才子巡邊物色優遙指九疑探禹穴  
要攀八桂望炎丘丹砂訣訪神仙令斑竹詩成帝子洲  
江漢諸侯齊述職歸來作頌效王褒

送俞僉憲赴廣右

孫陞


談詩說劍屢相過送別其如萬里何雲渺蒼梧飛雁少  
霜清翠柏集烏多唐聲共數張文獻漢業猶傳馬伏波  
君到嶺南尋舊迹莫令光景易蹉跎

送陳郡幕赴慶遠

都亭別去不沾襟仗劍翩然萬里心夾道垂楊引征騎  
丁年綠髮映華簪南臨象郡千峰出西傍龍江一水深  
遙想使君堪坐嘯幕中書記得陳琳

送邵參軍赴南寧

墨詔將恩下九天參軍今去瘴江邊桂林遠郡開秦代  
銅柱遺勲勒漢年尊俎畫間雲皛皛烟塵夜靜月娟娟  
幕中須有防微策莫道南陞已晏然



粵西詩載卷十七